

O savršenstvu Božijem i savjetovanju



.Staza rječitosti, govor 84

Svjedočim da nema boga osim Boga; On je Jedan i On nema sudionika nikakva. On je Prvi, tako da ništa nije prije Njega. On je Posljednji, tako da za Njega nema granice nikakve.

Zamišljanja ne mogu doseći nijedno svojstvo Njegovo. Srca ne mogu primiti znanje o svojstvima Njegovim. Raščlanjivanje i dijeljenje ne mogu se primijeniti na Njega. Oči i srca ne mogu Ga usporediti.

O robovi Božiji! Poučite se iz pouka korisnih i znakova blistavih. Budite upozoreni opomenama djelotvornim. Okoristite se savjetovanjem i upozoravanjem. Jer to je kao da su vas već stigle pandže smrti, otkinute od vas veze nade i želja, iznenada vas snašle strahote najveće i kao da ste vođeni mjestu gdje svako mora ići.

Svako biće ljudsko doći će s goničem i svjedokom.

Gonič ga goni prema Danu proživljenja, dok svjedok svjedoči protiv njega djelima njegovim. U Džennetu su stupnjevi sve bolji od boljeg i mjesta različita jedna od drugih. Uživanja u njemu ne prestaju. Onaj ko prebiva u njemu nikad neće otići iz njega. Onaj kome je darovano .boravljenje vječno u njemu ne stari, a stanovnik njegov ne trpi oskudicu

و فيه ثماني صفات من صفات الجلال
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ: الْأَوَّلُ لَا شَيْءَ قَبْلَهُ، وَالْآخِرُ لَا غَايَةَ لَهُ، لَا تَقَعُ الْأَوْهَامُ لَهُ عَلَى صِفَةٍ، وَلَا
تُعَقَّدُ الْقُلُوبُ مِنْهُ عَلَى كَيْفِيَّةٍ؛ وَلَا تَنَالُهُ التَّجَرُّتَةُ وَالتَّبَعِيصُ، وَلَا تُحِيطُ بِهِ الْأَبْصَارُ وَالْقُلُوبُ.
و منها: فَاتَّعِظُوا عِبَادَ اللَّهِ بِالْعِبَرِ النَّوَافِعِ، وَاعْتَبِرُوا بِالْآيِ السَّوَاطِعِ، وَازْدَجِرُوا بِالتَّذْرِ الْيَوَالِغِ، وَانْتَفِعُوا بِالذِّكْرِ وَ
الْمَوَاعِظِ، فَكَأَنَّ قَدْ عَلِقْتُمْ مَخَالِبَ الْمَنِيَّةِ، وَانْقَطَعَتْ مِنْكُمْ عَلَائِقُ الْأُمْنِيَّةِ، وَدَهَمَتْكُمْ مُفْطَعَاتُ الْأُمُورِ، وَالسِّيَاقَةُ
إِلَى الْوَرْدِ الْمَوْرُودِ، فَكُلُّ نَفْسٍ مَعَهَا سَائِقٌ وَشَهِيدٌ: سَائِقٌ يَسُوقُهَا إِلَى مَحْشَرِهَا؛ وَشَهِيدٌ يَشْهَدُ عَلَيْهَا بِعَمَلِهَا.
و منها في صفة الجنة:
دَرَجَاتٌ مُتَفَاضِلَاتٌ، وَ مَنَازِلُ مُتَفَاوِتَاتٌ، لَا يَنْقَطِعُ نَعِيمُهَا، وَلَا يَظْعَنُ مُقِيمُهَا، وَلَا يَهْرَمُ خَالِدُهَا، وَلَا يَبْأَسُ سَاكِنُهَا.